

Broj: 4110-01/702
Datum: 04.07.2019.

Radio-televizija Federacije Bosne i Hercegovine

Na osnovu Člana 35. Zakona o Javnom servisu Radio-televizije Federacije Bosne i Hercegovine (Sl. novine 48/08), Člana 70. stav (1) i (3) Zakona o javnim nabavkama (Sl. glasnik BiH 39/14) te Preporuke od strane Komisije za javne nabavke broj: 4110-14/355 od 22.05.2019. godine, donosim

ODLUKU

o izboru najpovoljnijeg ponuđača u javnoj nabavci Usluge istraživanja tržišta JN 34/19 – pregovarački postupak bez objave obavještenja o nabavci

I

Prihvata se konačna ponuda ponuđača **Audience Measurement d.o.o. Sarajevo**, Pijačna 14 K, 71000 Sarajevo, zaprimljena na protokol ugovornog organa 21.05.2019. godine, u postupku provođenja javne nabavke putem Pregovaračkog postupka bez objave obavještenja. Konačna ponuda za Usluge istraživanja tržišta JN 34/19 glasi:

Audience Measurement d.o.o. Sarajevo sa ponuđenom cijenom 99.844,68 KM bez PDV-a (slovima: *devedesetdevethiljadaosamstotinačetrestetiri 68/100*).

II

Sa ponuđačem **Audience Measurement d.o.o. Sarajevo** zaključit će se Ugovor o nabavci iz tačke I. ove odluke.

III

Ova odluka stupa na snagu danom donošenja i objavit će se na web stranici Radio-televizije Federacije BiH u skladu sa članom 70. stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Generalni direktor RTVFBiH je dana 10.04.2019. godine dobio Odluku broj: 4110-01/386 kojim je imenovao Komisiju za postupak javne nabavke Usluge istraživanja tržišta JN 34/19. Predmet javne nabavke je usluga istraživanja gledanosti TV stanica u BiH metodom peoplemetra/ Monitoring reklama na TV stanicama/ za potrebe programa RTVFBiH. Provođenje postupka javne nabavke putem pregovaračkog postupka je izvršeno u skladu sa članom 28. Zakona o javnim nabavkama.

Postupak je proveden putem pregovaračkog postupka bez objave obavještenja, a Zakonski osnov za provođenje postupka je bio u skladu sa članom 21. tačka c) Zakona o javnim nabavkama BiH (Sl. glasnik BiH 39/14) iz razloga jer je ponuđač Audience Measurement d.o.o. Sarajevo ekskluzivni pružalac ove vrste usluga na tržištu BiH.

RTVFBiH je 15.04.2019. godine, u skladu sa odredbama člana 28. stav (4) Zakona o javnim nabavkama, objavilo na svojoj internetskoj stranici, www.rtvfbih.ba, informacije o pregovaračkom postupku bez objave obavještenja o nabavci. Ovim činom, tenderska dokumentacija je postala dostupna svim zainteresiranim kandidatima/ponuđačima.

Pregovarački postupak bez objave obavještenja kao višefazni postupak podijeljen je u tri faze i to: Faza 1- Predkvalifikacija, Faza 2- Poziv za dostavljanje početnih ponuda i pregovori i Faza 3- Konačne ponude.

Do datuma označenog kao krajnji rok za Fazu 1- Predkvalifikacija, ugovorni organ je zaprimio Zahtjev za učešće od strane ponuđača Audience Measurement d.o.o. Sarajevo i utvrdio da je ispunio sve uvjete u skladu sa ovom fazom postupka. Kvalifikovani kandidat u Fazi 2- Poziv za dostavljanje početnih ponuda i pregovori je dostavio početnu ponudu koja glasi na iznos od 99.844,68 KM bez PDV-a. U usmenoj komunikaciji sa ponuđačem Audience Measurement d.o.o. Sarajevo, ugovorni organ je obavješten da dodatni popust i sniženje cijene nije moguće. Komisija za javne nabavke se jednoglasno saglasila da se bez pregovora pristupi Fazi 3- Konačne ponude.

Konačna ponuda ponuđača Audience Measurement d.o.o. Sarajevo za javnu nabavku Usluga istraživanja tržišta JN 34/19, glasi na iznos kao u tački 1. ove odluke.

Pouka o pravnom lijeku

Na ovu odluku dozvoljena je žalba u skladu sa Članom 101. stav (1) tačka d. Zakona o javnim nabavkama Bosne i Hercegovine (Službeni glasnik BiH 39/14). Žalba se može izjaviti najkasnije 10 (deset) dana po prijemu Odluke kojom se odlučuje o pojedinačnom pravu iz javne nabavke u odnosu na postupak pregleda i ocjene sposobnosti, te postupak pregleda, ocjene i izbora najpovoljnijeg ponuđača.

Žalba se podnosi u dovoljnom broju primjeraka koji ne može biti manji od 4 (četiri) na adresu ugovornog organa: Radio-televizija Federacije Bosne i Hercegovine, ul. Bulevar Meše Selimovića broj 12, 71000 Sarajevo.

RTVFBiH
27
Džemal Šabić, generalni dir.

